



## Sud Bosne i Hercegovine

## Суд Босне и Херцеговине

Broj: Su-08-311/20

Datum: 19.11.2020. godine

Na osnovu člana 64. stav (1) tačka b) i člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine ( „Službeni glasnik BiH“, broj: 82/05, 60/11 i 25/17 ) na preporuku Stalne komisije za javne nabavke Suda BiH broj: Su-08-310/20 od 18.11.2020. godine u postupku javne nabavke obrazaca za štampanje – **22800000-8**, donosim

**ODLUKU**

o izboru drugorangiranog ponuđača za nabavku obrazaca za štampanje

**član 1.**

Stavlja se van snage Odluka o izboru najpovoljnijeg ponuđača za nabavku obrazaca za štampanje broj: Su-08-295/20 od 12.11.2020. godine kojom je izabran ponuđač „**SVJETLOST-BH PRINT**“ **d.o.o. Sarajevo**, sa sjedištem na adresi Ismeta Alajbegovića Šerbe br. 3, po ponudi ovog ponuđača broj: 29-10/20 od 29.10.2020. godine za ponuđenu cijenu nakon sprovedene e-aukcije od **5.400,00 KM** bez PDVa.

Prihvata se preporuka komisije za javne nabavke o izboru drugorangiranog ponuđača „**ŠTAMPARIJA FOJNICA**“ **d.d. Fojnica** kao drugom najbolje ocijenjenom ponuđaču po ponudi broj: 336/20 od 28.10.2020. godine i nakon sprovedene e-aukcije za ponuđenu cijenu od **5.490,00 KM** bez PDV-a .

**član 2.**

Prijedlog ugovora za nabavku obrazaca za štampanje dostavit će se na potpis novoizabranom ponuđaču „**ŠTAMPARIJA FOJNICA**“ **d.d. Fojnica** po isteku roka od 15 dana računajući od dana kada su svi ponuđači obavješteni o izboru najpovoljnije ponude.

**član 3.**

Izabrani ponuđač je dužan da u roku od 5 dana od dana zaprimanja obavještenja o rezultatima ovog postupka javne nabavke, dostavi dokaze o ispunjavanu uslova lične sposobnosti prema članu 45. stav 1. kako je zahtjevano tenderskom dokumentacijom za predmetni postupak javne nabavke.

#### **Član 4.**

Ova odluka objavljuje se na internetskoj stranici Suda Bosne i Hercegovine i stupa na snagu danom donošenja te se dostavlja svim ponuđačima koji su učestvovali u postupku javne nabavke u skladu sa članom 70. Stav 6. Zakona o javnim nabavkama.

#### **član 5.**

Za realizaciju ove odluke zadužuje se Komisija za javne nabavke.

#### **Obrazloženje**

Postupak javne nabavke pokrenut je Odlukom o pokretanju postupka nabavke robe obrasci za štampanje broj: Su-08-208/20 od 07.10.2020. godine. Javna nabavka je provedena putem konkurentskog zahtjeva za dostavu ponuda broj: Su-08-210/20, a procijenjena vrijednost javne nabavke bez PDV-a je 8.500,00 KM. Obavještenje o nabavci objavljeno je na portalu javnih nabavki pod brojem 243-7-1-52-3-20/20 od 08.10.2020. godine sa tenderskom dokumentacijom. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke robe obrasci za štampanje. Komisija je blagovremeno i pravilno izvršila javno otvaranje ponuda dana 05.11.2020. godine i sačinila Zapisnik sa otvaranja ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće: da je blagovremeno pristiglo ukupno 5 (pet) ponuda („Štamparija Fojnica“ d.d. Fojnica, „Svjetlost BH print“ d.o.o. Sarajevo, „Print-GS“ d.o.o. Travnik, „Alfadivit“ d.o.o. Živinice i „Plan Plus“ d.o.o. Zenica), da nije bilo neblagovremeno zaprimljenih ponuda te da su sve pristigle ponude ponuđača ocijenjene prihvatljivim u skladu sa tenderskom dokumentacijom.

Za ovaj postupak je predviđena e-aukcija. Sve prihvatljive ponude („Štamparija Fojnica“ d.d. Fojnica, „Svjetlost-BH print“ d.o.o. Sarajevo i „Print-GS“ d.o.o. Travnik) su unesene na web portal javnih nabavki BiH „e-nabavke“ radi zakazivanja e-aukcije koja je zakazana za dan 10.11.2020. godine sa početkom u 11.00 sati i predviđenim trajanjem od 30 min. E-aukcija je počela 10.11.2020. godine u 11.00 sati a trajala je do 11.40 sati. U toku e-aukcije došlo je do podnošenja novih cijena (novih ponuda) ponuđača. Nakon završetka e-aukcije, sa portala javnih nabavki BiH „e-nabavke“ je kreiran izvještaj o toku i završetku e-aukcije za prihvatljive ponude u kojem je utvrđeno da je prvorangirana ponuda ponuđača „Svjetlost-BH print“ d.o.o. Sarajevo sa cijenom od 5.400,00 KM bez PDV-a, drugorangirana je ponuda ponuđača „Štamparija Fojnica“ d.d. Fojnica sa cijenom od 5.490,00 KM bez PDV-a, trećerangirana je ponuda ponuđača „Plan Plus“ d.o.o. Zenica sa cijenom od 8.126,00 KM bez PDV-a, četverorangirana je ponuda ponuđača „Alfadivit“ d.o.o. Živinice sa cijenom od 8.142,86 KM bez PDV-a i petorangirana je ponuda ponuđača „Print-GS“ d.o.o. Travnik sa cijenom od 11.052,00 KM bez PDV-a.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je prvorangirani ponuđač „SVJETLOST-BH PRINT“ d.o.o. Sarajevo izabran primjenjujući kriterij najniže cijene koja je ponuđena u iznosu od 5.400,00 KM bez

PDV-a te je u skladu sa nevedenim donesena Odluka o izboru najpovoljnijeg ponuđača za nabavku obrazaca za štampanje broj: Su-08-295/20 od 12.11.2020. godine kojom je izabran ponuđač „SVJETLOST-BH PRINT“ d.o.o. Sarajevo.

Izabranom ponuđaču „SVJETLOST-BH PRINT“ d.o.o. Sarajevo, kao i drugorangiranom ponuđaču „ŠTAMPARIJA FOJNICA“ d.d. Fojnica i svim ostalim ponuđačima u postupku, je upućeno obavještenje o odluci broj: Su-08-296/20 zajedno sa odlukom o izboru ponuđača broj: Su-08-295/20 za predmetni postupak dana 12.11.2020. godine.

Izabrani ponuđač „SVJETLOST-BH PRINT“ d.o.o. Sarajevo je bio u obavezi da dostavi dokaze o o ispunjavanju uslova lične sposobnosti prema članu 45. Zakona o javnim nabavkama u roku od 5 dana od dana prijema obavještenja, a uvidom u dostavnicu je utvrđeno da je isti obavještenje o odluci zaprimio poštom dana 17.11.2020. godine.

Ponuđač „SVJETLOST-BH PRINT“ d.o.o. Sarajevo je dana 17.11.2020. godine poslao Ugovornom organu putem e-maila obavještenje da nije u mogućnosti izvršiti potpisivanje ugovora iz razloga jer neće moći ispoštovati ponudu za isporuku obrazaca za štampanje po cijeni koja je formirana nakon okončanja e-aukcije, a zbog okolnosti izazvane pandemijom korona virusa.

Po primitku obavještenja, komisija za javne nabavke se sastala dana 18.11.2020. godine i konstatovala da se izabranom ponuđaču „SVJETLOST-BH PRINT“ d.o.o. Sarajevo ne može dodijeliti ugovor te predlaže da se ugovor dodijeli drugorangiranom ponuđaču prema članu 72. stav (3) tačka c) Zakona o javnim nabavkama.

Pregledom zapisnika o ocjeni ponuda i izvještaja o završenoj e-aukciji utvrđeno je da je drugorangirani ponuđač „ŠTAMPARIJA FOJNICA“ d.d. Fojnica sa cijenom od 5.490,00 KM bez PDV-a pa je komisija za javne nabavke dala preporuku da se isti izabere kao drugorangirani najpovoljniji ponuđač.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor drugorangiranog ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je drugorangirani ponuđač „ŠTAMPARIJA FOJNICA“ d.d. Fojnica izabran primjenjujući kriterij najniže cijene koja je ponuđena u iznosu **5.490,00 KM** bez PDV-a.

Iz navedenih razloga, primjenom člana 64. stav (1) tačka b) i člana 72. stav (3) tačka c) Zakona o javnim nabavkama odlučeno je kao u dispozitivu.

#### POUKA O PRAVNOM LIJEKU:

Protiv ove odluke može se izjaviti žalba, najkasnije u roku od pet (5) dana od prijema ove odluke.



**PREDSJEDNIK SUDA**

**Ranko Debevec**

RD